

埽葉亭詠史詩



330022

埽葉亭詠史詩卷三

伍堯來

秀鑑吾著

天淵閣

五代

梁太祖

剖骨稜稜腸胃流珪兒亦死垣樓廣王一語堪千

古何滅唐家三百秋

本紀梁太祖姓朱氏碭山午清里人也名溫與兄全昱存備食蕭縣人劉崇家全昱為人頗長

卷三

一 埽葉亭

厚存溫勇有力而溫尤兇悍中和三年拜汴州刺史賜名全忠光啟二年三月進爵王開平元年夏四月又更名晃篡位國號梁太祖與諸王欽博廣王曰朱三爾碭山一百姓唐天子用汝為節度使復進爵為王於汝何負而滅唐家三百年社稷吾將見汝亦其族矣

唐明宗

五代賢君李嗣源勵精圖治靖烽煙蕃人自謂謙謙

語夜半焚香告上天

本紀唐明宗世本夷狄原名邈佶烈太祖養以為子改名嗣源侍太祖屢建奇功為人純質寬

仁愛人嘗夜焚香仰天而祝曰臣本蕃人豈足  
治天下願天早生聖人即位時春秋已高不通  
聲色不樂游畋在位十年兵革粗息年穀豐登  
生民實賴以休息五代之時賢君也其愛人恤  
物蓋亦有意於治矣

### 莊皇后

自恥家微自減親倉庾妙法療難神著囊藥篋如兒  
戲可似黃鬚善卜人

列傳莊宗敬皇后姓劉氏魏州成安人也初封  
魏國夫人后父劉叟黃鬚善卜自號劉山人后

### 卷三

### 二

### 埽葉亭

六歲晉王攻魏掠成安裨將袁建豐得后納之  
晉宮既筓甚有色莊宗見而幸之寵專諸宮其  
父聞后已貴詣魏上謁莊宗是時后方與諸夫  
人爭寵以門第相高大怒曰妾去鄉時畧可記  
憶妾父不幸死於亂軍因命笞劉叟於宮門莊  
宗乃為劉叟衣服自負著囊藥篋造其臥內曰  
劉山人來省女皇后大慚

### 王子明

浮橋巨斧報強梁血戰誰如王鐵鎗豹死留皮操俚

語果然信史姓名揚

列傳王彥章字子明鄆州壽昌人也驍勇有力  
持一鐵鎗騎而馳突奮疾如飛而他人莫能舉  
也軍中號曰王鐵鎗彥章武人不知書嘗操俚  
語謂人曰豹死留皮人死留名莊宗愛其忠勇  
欲全活之彥章謝曰臣與陛下血戰十餘年今  
兵敗力窮不死何待且臣受梁恩非死不能報  
豈有朝事梁而暮事晉何面目見天下之人乎

### 漢高祖

彈指光陰又換朝如何漢鼎叶三文帝王酷似秋飛  
燕未許雕梁再結巢

### 卷三

三

掃葉亭

本紀漢高祖姓劉氏名知遠面紫色目多白睛  
與晉高祖俱事唐明宗為偏將天福二年遷馬  
步軍都指揮天福七年封太原王開運二年又  
封北平王契丹犯京師晉出帝北遷遂即皇帝  
位國號漢稱天福十二年其意未忘晉也至隱  
帝始改元乾祐僅三年耳丁丑高祖崩於萬歲  
殿年五十四

### 桑國僑

面長一尺亦清奇鐵硯磨穿志不移無那名臣生叔

季難將相業比臯夔

列傳桑維翰字國僑河南人也身短而面長臨鏡以自竒曰七尺之身不如一尺之面慨然有志於公輔屢困場屋主司惡其姓以為桑喪同音人有勸其不必舉進士可以從他途求仕維翰慨然乃著日出扶桑賦以見志又鑄鐵硯以示人曰硯敵則改而他仕其卒以進士及第晉高祖辟為河陽節度掌書記旋拜禮部侍郎封魏國公

### 景航川

覺結兵連僅一言南朝愧死沐猴冠空譚十萬橫磨

### 劍莫怪牙籌辱契丹

#### 卷三

#### 四

#### 掃葉亭

列傳景延廣字航川父建善射嘗教延廣由是以挽強見稱天福四年拜為馬步軍都指揮延廣謂契丹曰先皇帝北朝所立今天子中國自冊可以為孫不可為臣且晉有橫磨大劍十萬口翁要戰則來他日不禁孫子取笑天下德光犯京師因以十事責延廣每服一事授一牙籌授至八籌延廣以面伏地不能仰視遂叱而鎖之至陳橋止民家夜分延廣伺守者急引手扼吭而死時年五十六

### 馮可道

著書百卷詎堪傳籠絡英雄好縱談笑問四朝長樂

老宮移羽換可懷慚

列傳馮道字可道瀛洲景城人也事劉守光為參軍守光敗去事宦者張承業唐明宗即位拜中書侍郎晉滅唐道又事晉封魯國公契丹滅晉道又事耶律德光於京師漢高祖立道又歸漢周滅漢道又事周拜太師兼中書令事四姓十君自號長樂老著書數百言自謂作四朝官及契丹所得階勳官爵以為榮死年七十三

宋

宋藝祖

卷三

五

瑞葉亭

兵變陳橋大宋昌太平有象萬夫望天教點檢為天

子誰料江山與晉王

本紀藝祖諱匡胤涿郡人也姓趙氏契丹入寇命太祖杜伐次陳橋驛軍中共議推戴戌夜軍士聚於驛門俄而列校軍集曰我輩出萬死冒白刃為國家破敵天子勿不如策點檢為天子然後杜伐太宗紀開寶六年封晉王有詔班宰相上九年十月癸丑太祖崩奉遺詔即皇帝位

范太傅

文素才華冠大名傳來衣鉢始登龍可憐趙宋推良

相泉下無顏見世宗

列傳范質字文素大名宗城人也九歲善屬文  
唐長興舉進士知貢舉和凝愛質所試文自以  
中第在十三故亦以處質其後質官及封國皆  
與凝同當時謂之傳衣鉢太宗嘗言近世輔弼  
惜名器持廉節無與質比者但欠世宗一死為  
可惜爾

趙忠獻

兩朝相業擴忠忱削藩權謀畧神雪夜猶陳平蜀  
策元勲不愧讀書人

卷三

六

掃葉亭

列傳趙普字則平幽州薊人也對太祖曰唐季  
以來國家所以不安者由節鎮太重君弱臣強  
今欲治之無他惟削奪其權而已太祖嘗夜幸  
普第立風雪中普恐出迎從容問曰夜深寒甚  
陛下何以出太祖曰吾睡不能着一榻之外皆  
他人家也普曰陛下小天下耶南征北伐今其  
時矣平西蜀征嶺南收江南皆普之功也

曹武惠

功成不戮一人還留取清名萬古傳怪道後人皆蔚  
起廟廷配享子孫賢

列傳曹彬字國華真定靈壽人也平蜀回時諸將皆有子女玉帛彬囊中惟圖書衣衾而已彬仁敬和厚在朝未嘗忤旨亦未嘗言人過失伐二國秋毫無所取位兼將相不以等威自異待遇士大夫必引車避之堯年六十九謚曰武惠與趙普配享太祖廟廷子璨瑋玘玘琮琬皆官至節度使

### 呂太保

人生難得是糊塗太保真誠世所無聽說宮車將晏

駕捲簾進諫定東都

### 卷三

七

埽葉亭

列傳呂端字易直幽州安次人也內侍王繼恩忌太子英明陰與參知政事李昌齡謀立故楚王元佐太宗崩太后使繼恩召問端端知有變鏢繼恩於閣內使人守之而入太后謂曰宮車已晏駕立嗣以長順也端曰先帝立太子正為今日今始棄天下豈可遽違先帝之命更有異議耶真宗既立端請捲簾升殿審視然後降階率羣臣拜呼萬歲

### 張司徒

雲龍會合記當年聖主賢臣豈偶然爭似司徒好風

度肯將東閣換林泉



列傳張齊賢曹州宛句人也徙居洛陽姿儀洪碩議論慷慨初太祖幸西都齊賢以布衣獻策太祖賜束帛而遣之歸太宗即位齊賢舉進士因伐契丹功拜吏部侍郎同中書門下平章事請老除司空致仕歸洛得唐裴度午橋莊日與親舊觴詠其間卒年七十二贈司徒謚曰文定

### 王太尉

三槐門閥兆賓卿啟沃從心值聖明能使萊公懷愧  
惡薦賢原不為邀名

列傳王旦字子明大名莘人也父祐手植三槐於庭曰吾之後必有為三公者旦舉進士為大

### 卷三

八

掃葉亭

理評事真宗即位拜中書舍人咸平三年拜工部尚書同中書門下平章事旦在相位諫行言聽天下稱為賢相冠準為樞密使當罷使人告旦求為使相旦大驚曰將相重任豈能求耶已而制出除準節度使同平章事準入見曰非陛下知臣何以至此真宗具道旦所荐準始愧歎以為不可及

### 寇萊公

力排羣議贊宏謨破敵澶淵膽氣麤從此邊疆安若

砥山河全賴偉人扶

列傳寇準字平仲華州下邳人也舉進士為巴東令太宗嘗語左右曰朕得寇準猶唐太宗之得魏鄭公也景德元年契丹入寇直抵澶淵準請幸澶州並陳河汴用兵之畧真宗遂幸澶至南城皆言虜兵方盛應駐蹕以觀兵勢準固請曰陛下不過河人心益危虜氣未懾非所以取威決勝之道真宗即日渡河軍威大震御城門觀視營壁撫勞部伍軍民歡呼聲聞數十里俄而勁弩伏發射殺其貴將撻覽

### 韓魏公

顧命羣推柱石臣調停骨肉亦奇勛安陽事業超千

### 古不負臚傳五色雲

卷三

九

埽葉亭

列傳韓琦字稚圭相州安陽人也弱冠舉進士英宗暴得疾慈聖后垂簾聽政英宗疾甚有及慈聖語琦與歐陽修奏事慈聖流涕具道所以琦曰此病訴耳病已必不然子疾母可不容之乎後數日琦獨見英宗英宗曰太后待我無恩琦曰自古聖帝明王不為少矣獨稱舜為大孝豈其餘盡不孝也父母慈愛而子孝此常事不足道惟父母不慈而子不失孝乃可稱耳英宗大悟

### 富鄭公

三朝宰輔望彌隆盡在從容不迫中奉使救災宏抱

負一生低首富文忠

列傳富弼字彥國河南人也幼篤學有大度使契丹曰北朝忘章聖皇帝之大德乎澶淵之役若從諸將言北兵無得脫者昔日晉高祖欺天叛君是時中國狹小故北朝全師獨克雖獲金帛俱充諸臣之家今中國提封萬里精兵以百萬計北朝欲用兵能保其必勝乎若通好不絕歲幣盡歸人主臣下所得止奉使者一二人耳契丹首肯者久之河朔大水弼擇所部豐稔者五州勸民出粟得十五萬斛活民五十餘萬

卷三

十

埽葉亭

歐陽文忠

宋賢我獨服韓歐更羨文忠史筆道漫說龍門專擅

美一編五代歷千秋

列傳歐陽修字永叔廬陵人也舉進士兩試國子監一試禮部皆第一刊修唐書為翰林學士遷給事中知無不言所言多聽嘉祐六年拜參知政事與韓琦同心輔政時東宮猶未定與韓琦等協定大議性剛直平生與人盡言無所隱長於易詩春秋其所發明多古人所未見以論政不合固求去位年未及即告老天下高之贈太師謚文忠

范文正

憂樂一言見措施遭逢難得策賢時胸中兵甲多如許無怪羗戎生祀之

列傳范仲淹字希文邠州人也後徙蘇州少有大志舉進士嘗自誦曰士當先天下之憂而憂後天下之樂而樂此其志也知延州時寇云今小范老子胸中自有數萬兵甲不比大范老子可欺也仲淹為人和內剛樂善不倦天下想聞其風采士大夫以不獲登其門為恥夷狄皆知其名字鄧慶之民與羗戎皆繪像生祀之其卒也仁宗甚悼惜贈尚書謚文正

卷三

十一

掃葉亭

司馬溫公

炎漢桑羊事可徵欲除新法獻孤忠臨危猶作憂時語遺表會陳和遠戎

列傳司馬光陝州夏縣人也七歲聞講左氏春秋大愛之舉進士甲科嘉祐六年除天章閣待制兼侍講神宗即位擢翰林學士王安石奏曰善理財者不加賦而上用足光曰天下安有此理天地所生財貨百物止有此數不在民則在官譬如雨澤夏澇則秋旱不加賦上用足不過設法陰奪民利其害甚於加賦此乃桑羊欺漢武帝之言耳元祐元年光始得疾歎曰四患未

除吾死不瞑目矣卒年六十八其家得遺奏八紙上之皆論當時要務並陳羗戎大畧以和戎為使用兵為非

### 王介甫

誤讀周官一部書典章輕改老成吁家兒更有臨川

### 伯為斂青苗欲濫誅

列傳王安石字介甫撫州臨川人也舉進士知鄞縣好讀書三日一治縣事熙甯三年拜禮部侍郎同中書門下平章事以常平法為不善更將糴米本作青苗錢散與人戶令出息二分子

### 卷三

三

埽葉亭

零太子中允封臨川伯議論深刻常稱商君以為豪傑之士言不誅異議者法不行勸王安石誅不用命大臣

### 蘇學士

謫仙而後又蘇仙名士文章絕代傳縱使金蓮邀寵眷却教朋黨誤高賢

列傳蘇軾字子瞻眉州眉山人也歐陽修試禮部進士得軾論欲以冠多士疑曾鞏所為鞏修門下士也乃置第二遂中乙科授福昌簿修復以直言薦之制策入三等除大理評事哲宗即

位召為禮部郎中尋遷翰林學士入對便殿宣  
仁后問曰卿何以遽至此軾曰遭遇太皇太后  
皇帝陛下宣仁曰非也此乃先帝之意也先帝  
每誦卿文章必歎曰奇才奇才已而命坐賜茶  
徹御前金蓮燭送歸院

陳希夷

從古仙人遊世多中山有酒等閒過請看煉道扶搖

子羽化寥天醮大羅

列傳陳搏字圖南亳州真源人也隱武當山移  
居華山化形於蓮花峯嘗乘白驢欲入汗中途

卷三

圭

掃葉亭

聞太祖登極大笑墜驢曰天下於是定矣太宗  
召以羽服見於延英殿甚禮重之端拱二年秋  
七月二十二日在蓮花峯石室化去有五色雲  
蔽塞洞口彌月不散賜號希夷先生

林和靖

梅花種滿讀書堂澹遠清微詩味長祇為高風起靖

節孤山千載有遺香

列傳林逋字君復杭州錢塘人也自少孤力學  
好古不拘拘章句性恬淡薄榮利家貧衣食屢  
歉晏如也結廬西湖之孤山種梅花百株自娛  
為詩孤峭澹遠居西湖二十年足未嘗履城市

卒年六十一賜謚和靖先生臨終時有茂陵他日求遺稿猶喜曾無封禪書之句天下傳誦之

### 米元章

學術才華並絕倫南宮書畫古今聞盤旋大筆風神

勁此老何慚王右軍

列傳米芾字元章吳人也為文奇險不蹈襲前人軌轍王安石嘗摘其詩句書扇上蘇軾亦喜譽之冠服效唐人風神蕭散談吐清暢妙於翰墨好潔成癖不與人同巾器所為譎異仕至禮部員外郎大觀二年以言者罷知淮陽軍

### 賀方回

卷三

古

埽葉亭

柳歌花禪筆如神記誦詞章費討尋我愛慶湖遺老集為他絃外有餘音

列傳賀鑄字方回衛州人也性情直爽長於古文詩詞藏書萬卷嘗言吾筆端能驅李商隱温庭筠使奔命不暇與米芾齊名二人每相遇終日瞑目抵掌論辨鋒起各不能屈有慶湖遺老集二十卷傳世

### 邵康節

淵源河洛早通靈安樂窩中道已成忽聽鶉聲橋畔

路豫知南相誤蒼生

列傳邵雍字堯夫衛州人也精於數學熙甯初  
以為潁州團練推官而雍不赴召居洛三十年  
卒年六十七初步天津橋聞杜鵑聲愀然曰十  
年後國家必用南人作相天下自此多事矣

黃魯直

學士詩篇儼鳳韶西江吹老一枝簫髯蘇妙筆涪翁

繼酷肖唐家中晚朝

卷三

五

掃葉亭

列傳黃庭堅字魯直洪州分甯人也幼警敏詩  
文超逸絕塵知太和縣又監德安鎮召為校書  
郎庭堅與秦觀張耒晁補之皆游蘇軾之門號  
四學士卒年六十一

舒御史

喋血臨洮螿螳才穆王曾說化人來可憐肉向刀頭

啗權詐誰堪服草萊

列傳舒亶字信道明州慈溪人也擢進士調臨  
海尉小有才熙河路分畫疆界命亶馳往於是  
臨洮新喋血亶至則示以朝廷威信夷人以肉  
置刀頭啗亶亶以口承之衆皆歡呼使還授太



子中允尋修起居注知諫院擢御史

### 李忠愍

矯首問天天不言侍郎大節萬年傳兩宮吐狩忠肝

### 裂異域誰賡板蕩篇

列傳李若水字清卿涪州曲周人也靖康二年擢吏部侍郎黏罕召若水議立異姓若水道君皇帝已禪靖康主上仁孝恭儉未有過失黏罕曰趙皇失信安得無過若水曰女代人之國不務全安生民徒掠金帛子女似此強暴不仁女乃失信之尤者遂見殺年三十五臨死歌詩一首其卒章曰矯首問天兮天卒不言忠臣效死兮亦何愆人聞而悲之

### 卷三

共

埽葉亭

### 宗留守

河東盜賊盡招降慧眼能知秉義郎遇敵從無三潰

### 辱休將忠勇埽張王

列傳宗澤字汝霖義烏人也巨寇王善逆勢猖狂欲據京城澤單騎馳至賊營泣謂之曰朝廷當危難時使有如爾輩豈復有敵患乎王善等感泣遂降秉義郎岳鄂王犯法將刑一見奇之曰此將材也張浚傳三潰之辱幾淪宗社張王一生欺世盜名遂撤配祀

韓蘄王

無愁天子竟如愚忘却蒙塵塞外居誰似英雄見機

早湖邊倒跨灞橋驢

列傳韓世忠字良臣延安人也風骨偉岸目瞬如電因感岳王事杜門謝客時跨驢携酒一二奚童從游湖上平時將佐罕見其面絕口不言兵紹興二十一年八月薨追封蘄王

岳鄂王

寃成三字泣忠魂痛飲黃龍且漫論恨血九泉銷不

卷三

文

掃葉亭

盡金陀野史撰賢孫

列傳岳飛字鵬舉湯陰人也忠勇精誠熟習兵法長於書史詩詞自漢以來文武兼備者岳鄂王一人而已大敗兀朮於朱仙鎮語其將曰直抵黃龍府與諸君痛飲耳秦檜曰雲憲書雖無跡其事莫須有世忠曰莫須有三字何以服天下孫岳珂亦參師間撰金陀野史孝宗立追封

鄂王謚武穆

趙忠簡

元氣凋傷國勢艱蕭條白髮淚潛潛津亭祖錢登舟

去倔強猶堪折巨姦

列傳趙鼎字元鎮聞喜人也崇甯進士鼎再相或議其無所施設鼎聞之曰今日之事如人患羸當靜以養之若加攻破元氣必凋傷矣秦檜率執政餞行列筵於津亭鼎不為禮檜見鼎謝表曰此老倔強猶昔紹興十七年不食而死天下悲之孝宗即位追封豐國公謚忠簡

秦會之

和戎魏絳計何神誣蟻凌煙閣上人私願乘輿終陷沒萬年遺臭宋君臣

卷三

六

掃葉亭

列傳秦檜字會之江甯人也檜專主和議嘗言南人歸南北人歸北天下太平矣誣岳鄂王自言己與太祖皆三十歲建節岳鄂王寃獄檜與万俟卨構成之檜兩據相位一時忠臣義士宿老良將誅鋤殆盡其頑鈍無恥者率為檜用事以誣善類為能凡劾人章疏皆檜自草以授言者識之者曰此老秦筆也

蔡元長

箱制朝廷四海傾哀鴻桴鼓作悲聲爭如司諫石公弼疏劾權奸十罪名

列傳蔡京字元長興化軍仙游人也與弟卞同登第初授錢塘縣尉改舒州推官累遷中書舍人龍圖閣待制因罪出知江甯復結納童貫崇甯二年進左僕射京起於逐臣一旦得志遂記紹述之柄箝制朝廷立元祐姦黨碑鑄當十大錢小民嗜利亡命犯法者紛紛京險詐侈靡竭四海之物以自奉御史石公弼與張克公劾京十罪貶少保出居杭州連貶崇信慶遠軍節度副使行至潭而死年八十矣

### 种少保

位置非宜惜虎臣渡河一策料如神阿兄若代師中

### 將未必榆關讓敵人

卷三

元

埽葉亭

列傳种師道字彞叔少從張載學以蔭補熙州推官擢通判忤蔡京屏棄十年起為忠州刺史徽宗名詣闕訪邊事對以妄動生事非計童貫敗於盧溝金人南下加檢校少保靜難軍節度使揭榜沿道言种少保領西兵百萬來遂抵城西趨汴水南徑逼敵營金人懼斂游騎守牟駝岡增壘自衛師道勸欽宗乘其渡河尾擊之帝不聽師道歎曰異日必為國患卒年六十七贈少保謚忠憲弟師中字端孺與金人戰於榆關死之太原雲中皆失守朝廷震悚師中贈少保謚莊愍

和中侍

師宜休息出無名閭帥巡邊却為功莫道郵城才畧

短當年曾獻鳳凰弓

列傳和詵字子美濮州鄆城人也任威州刺史時因上制勝強遠弓式施行之弓能破堅於三百步外邊人號為鳳凰弓授中侍大夫童貫率師巡邊問計於詵詵曰南北兄弟之國誓好百餘年今師出無名宜按兵觀釁戒諸將無妄動貫愕然前軍統制楊可世入覓境而敗貫奏詵不從節制責豪州團練使筠州安置

朱彥明

卷三

三

掃葉亭

手刃全家血淚揮將軍視死竟如歸古來城守推巡

遠更有忠魂吊震威

列傳朱昭字彥明府州府谷人也為震威城監押會城乏闕攝其事金人克太原遂至震威降將有與昭故人者語之曰天下事已矣忠安所施昭曰食人之祿死人之事因大罵矢石亂下昭與士卒同甘苦故士心感奮城攻百日昭禦之皆得法後二日城有攻推處昭召諸軍議曰城且破妻子不可為賊所污因盡殺家人納之井中而軍士家屬亦皆殺之昭謂眾曰我與汝

輩俱無累矣城陷巷戰死

### 李忠定

可惜兵車制已頒中興事業被猜嫌汪黃排阻顏岐  
忌不使奇勛奏建炎

列傳李綱字伯紀無錫人也政和進士授監察御史復拜殿中侍御史忤權貴改比部員外郎七年起為太常少卿金人渝盟朝議避敵綱上禦戎五策欽宗即位上言方今中原勢弱君子道消法度紀綱蕩然無統陛下履位之初當上應天心中順人欲攘除外患使中國之勢尊誅

### 卷三

二

掃葉亭

鋤內姦使君子之道長以副太上付託之意上嘉納之除兵部侍郎康王即位綱奏步不足以勝騎騎不足以勝車請以車制頒京東西製造而赦閑之又奏造戰艦募水軍及詢訪武臣材畧可任者又奏臣嘗議巡幸今縱未能行上策當且適襄鄧示不忘故都以係天下之心未幾汪伯彥黃潛善力主幸東南避敵顏岐又奏綱為金人所惡宜罷之十年正月辛卯薨年五十八贈少師謚忠定有靖康傳信錄建炎時政記文章歌詩奏議百餘卷傳世

### 文信國

盡節從容三載餘土星犯座史官疑祭文恰惱王炎

午知否衣中自贊詞

列傳文天祥字宋瑞吉水人也體貌豐偉美哲如玉秀眉長目顧盼睍然年二十舉進士對策以法天不息為言帝親擢第一授刑部左司郎官忤賈似道張志立劾罷之援例致仕年甫三十七九年起為湖南提刑明年改江西安撫使德祐元年國事告急詔天下勤王天祥捧詔大勸使方輿召吉州兵諸豪傑皆響應有眾萬人將入衛其文止之曰今元兵三道鼓行破畿甸薄內地君以區區烏合赴之何異驅羊搏虎乎天祥曰吾亦知其然欲以身殉社稷庶天下忠臣義士有聞風而起者耳崖山破張宏範曰國亡丞相忠孝盡矣能改心事元不失為宰相也

卷三

三

掃葉亭

天祥泣然流涕曰國亡不能救人臣死有餘罪況敢二心乎十九年土星犯帝座疑有變元世祖賜之死臨刑殊從容曰吾事畢矣衣帶中有贊曰孔曰成仁孟曰取義惟其義盡所以仁至讀聖賢書所學何事而今而後庶幾無愧

陳與權

庸才差勝滿朝歡簪珥飄零大內寒慚愧當年六君

子倉皇宵遁走長安

列傳陳宜中字與權永嘉人也少貧窘為縣學生丞相丁大全在臺橫甚宜中與黃傭等六人

上書攻之士論翕然稱之號為六君子景定三年廷試第二升監察御史恭帝立拜參知政事似道喪師代樞密院事元兵破常州羣臣請遷都太后不可宜中痛哭請之后乃命裝及暮宜中不入太后怒曰大臣顧欺我耶脫簪珥擲之地遂閉閣元帥伯顏至阜亭山宜中與章丞相同宵遁章丞相名鑑心地寬厚與人多許可士大夫目為滿朝歡云

### 賈師憲

葛嶺笙歌酒正醺襄陽圍急送元人銷魂最是漳州道快事千秋鄭虎臣

### 卷三

三

### 埽葉亭

列傳賈似道字師憲台州人也父涉有戰功授京東河北節制復擢淮東制置使卒贈龍圖閣學士光祿大夫似道乃其孽子少落魄以蔭補嘉興司倉理宗寵其姊為貴妃遂召赴廷對擢太常丞軍器監益恃寵不檢改太府少卿總領湖廣財賦寶祐二年加同知樞密院事封臨海郡公威權日盛年始三十餘張傑作浮梁新生磯濟師北歸似道用劉整計攻斷浮梁殺殿兵百七十追至白鹿磯上表以肅清聞帝謂其有再造功拜右丞相進少師封衛國公度宗立拜太師平章軍國重事三日一朝賜第葛嶺大起樓閣亭榭終日淫樂元兵圍襄陽三年襄陽降元似道始倉皇出師兵潰揚州王煥入見太后曰本朝權臣稔禍未有如似道之烈者始謫高



州團練使縣尉鄭虎臣忻然請行撤轎蓋暴秋  
日中令舁夫唱杭州歌斥名謔之至漳州屢諷  
之自殺似道曰太后許我不死虎臣曰吾為天  
下殺奸賊乃拉殺之

### 范尚書

暗褒詞頭抑寵臣安邊節使虎符新吐番斂跡青羗

### 潰曾費君王四萬緡

列傳范成大字致能吳郡人也紹興進士授戶  
曹參軍俄進吏部郎官充金國祈請使全節而  
歸除中書舍人命掌內制張說除樞密院成大  
留詞頭七日不下又疏言之說命竟寢尋授敷

### 卷三

二

### 塌葉亭

文閣待制四川制置使疏言吐番青羗兩犯黎  
州輕視中國臣當教閱將兵外修堡砦仍講明  
教練團結之法使人自為戰三者非財不可上  
賜度牒錢四十萬增戰兵五千土番敗遁青羗  
不敢入寇後召還拜吏部尚書參知政事成大  
素有文名尤工於詩有石湖集攬轡錄傳世

### 王刺史

政出多門百檜生龍淵罷去用存中如何粉飾符離

### 戰不及參軍恥佐戎

列傳王十朋字龜齡樂清人也天資穎悟日誦  
數千言對策有法之至公莫如選士名器至重

莫如科第今有司特以為媚權臣之具尚安望  
其得人哉又如造禍以來金未嘗不內相魚肉  
然一主斃一主生要在自備如何今權雖歸於  
陛下政復出於多門是一檜死百檜生也士林  
傳誦之又勅史浩龍大淵楊存中史正志林安  
宅皆罷去旋以楊存中充御營使張浚符離失  
律十朋上疏力保有為祖宗陵寢為兩宮復讐  
為二百年境土為中原弔民伐罪等語參軍郭  
奕恥符離之敗有相公新送陝西回之句

### 辛忠敏

英靈未泯大聲呼識見拘拘笑宋儒假令幼安膺重

### 寄中原恢復定何如

卷三

二五

掃葉亭

列傳辛棄疾字幼安歷城人也性豪爽尚氣節  
識拔英俊所交多海內名士耿京自稱天平節  
度使棄疾勸京決策南向紹興三十二年京遣  
棄疾奉表來歸高宗召見授承務郎乾道四年  
孝宗召對延和殿因論南北形勢及三國晉漢  
人才遷司農主簿平劇盜賴文政有功授大理  
少卿旋擢湖南安撫使王丞相欲除棄疾一帥  
周益公堅不肯王曰幼安帥材嘗存恢復之志  
何不用之謝枋得過其墓傍僧舍有大聲呼於  
堂上若鳴其不平自昏暮至三鼓不絕聲因請  
於朝贈少師謚忠敏

杜殿院

清修曾荷帝褒稱作宦原同受戒僧我愛蓉江杜莘

老蒲圍紙帳一孤燈

列傳杜莘老字起莘青神人也紹興進士莘字見應詔上言此戾氣所生多為兵凶之兆國家

為民息兵而將驕卒惰今因天戒以修人事思患豫防莫大於此因陳時弊十事上以其議為

首命進一階遷太常寺博士自蜀造朝不以家行高宗聞其清修獨處甚重之擢監察御史一

日因對褒諭曰聞卿出蜀即蒲圍紙帳如僧然難及也復拜殿中侍御史骨鯁敢言取眾所指

卷三

三

埭葉亭

目者悉擊去聲振一時朝中咸稱曰杜殿院孝宗受禪上三議曰定國是修內政養根本尋卒

年五十八

陳文敏

才超識敏腹便曾插宮花上紫垣一洗書生迂腐

議中興五論數千言

列傳陳亮字同父永康人也生而目光有芒喜談兵下筆數千言郡守周葵奇其才歎曰國士

也隆興初曾上中興論士林重之大畧曰自檜倡邪議至今三十年君父之大讐不復闕念幸

而陛下奮不自顧志於殄滅而隱忍迄今又有七年矣往時金人草居野處往來無常使人不知所備今城郭宮室政教號令一切不異於中國文移往返動涉歲月此豈能歲出師哉然使朝野常如敵兵之在境乃國家之福而英雄所用以爭天下之機也是以成康太平猶四征不庭張皇六師此李沆不願與遼和親也况南土角立之時而廢兵以情人心失策甚矣何不倡明大義慨然與金絕貶損乘輿御正殿痛自克責誓必復讐以振天下之氣動中原之心雖未出兵人心不敢惰矣從而東西馳騁虛實相補狂妄之詞不攻而自息懦庸之夫不卻而自退當有度外之士奮然而起惟陛下之所任耳光宗策士亮以師道君道對擢進士第一端

卷三

三

埽葉亭

平初賜謚文敏

陸放翁

嚴陵山水足風流散髮狂歌杜老舟可惜晚年留話

柄劍南一集尚千秋

列傳陸游字務觀別號放翁山陰人也十二歲能文及長尤工於詩以陰補登仕郎孝宗稱其力學有聞言論剴切除密院編修兼聖政所檢討言者論其交接台諫鼓唱是非罷歸久之起知嚴州陸辭上諭曰嚴陵山水勝處職事之暇可以賦咏自適又曰卿筆力回斡甚善非他人

可及紹熙元年遷禮部郎中朱熹嘗言其能太高迹太近恐為有力者所牽挽不能全其晚節後再出為韓侂胄作南園記見譏清議人謂熹有先見之明

### 家處士

贖出文姬效阿瞞繁華悟盡步吟壇桑麻十畝皆環

### 水好似香山八節灘

列傳家鉉翁字則堂眉州人也身長七尺被服嚴雅其學邃於春秋以蔭補累官知常州政譽翕然遷浙東提刑入為大理少卿宋亡旦夕哭泣不食者數日元以其節高欲官之鉉翁力拒

### 卷三

### 二

### 埽葉亭

文天祥女弟坐兄故繫奚官鉉翁傾橐中裝贖出館河間以春秋教授弟子種桑麻十畝耕山釣水自適元成宗即位賜號處士數年以壽終

### 謝臯羽

曾佐延平神策軍昂藏浙水一閒身故人搖落空流

### 涕且卧寒江理釣緜

列傳謝翱字臯羽浦城人也文丞相開府延平參佐軍事議論剴切天祥被執翱匿民間隻身行浙水逢山川池榭雲嵐草木徘徊顧盼失聲哭復游鴈山蛟門沃州所至即造游錄持以誇

人若載七寶歸者後隱居錢塘皆不知為天祥  
客也惟方鳳胡翰吳思齊等知之甚詳翺家故  
嬴於財因天祥大舉勤王之師貨產田廬盡行  
售賣以佐軍食鄉人甚重之元世祖至元二十  
四年五月卒於錢塘年七十二

### 柳耆卿

傳神妙筆愛屯田壓倒蓬萊十種仙節到清秋須領

### 畧曉風殘月乍晴天

列傳網羅文人才士一百七十餘人惟遺漏柳  
耆卿員外不禁愕惋久之樂章集一卷清麗韶

### 卷三

元

埽葉亭

妍直入白石老人之室秦七黃九輩豈可同日  
語哉按後山詩話柳三變字耆卿游東都南北  
二巷作新樂府遂傳禁中仁宗頗好其詞必使  
侍從歌之後改名永任至屯田員外郎老學菴  
筆記張子韶對策有桂子飄香之語趙明誠妻  
李氏嘲之曰露花倒影柳三變桂子飄香張九  
成雨零鈴一闋膾炙人口後半尤起妙多情自  
古傷離別更那堪冷落清秋節今宵酒醒何處  
楊柳岸曉風殘月此去經年應是良辰好景虛  
設便縱有千種風情待與何人說風姿婀娜情  
致纏綿詞家上乘也

### 李易安

鬢影衣香不染塵神摹蘇柳筆超羣西風簾捲秋霜  
冷儂比黃花瘦幾分

列傳記載閨中淑質僅十餘人而已李易安詩  
詞駕乎宋元以上故補詠之按續文獻通考淑  
玉詞一卷易安居士李清照撰語極工麗情更  
纏綿如醉花陰後半闕東籬把酒黃昏後有暗  
香盈袖莫道不銷魂簾捲西風人比黃花瘦如  
夢令試問捲簾人却道海棠依舊知否知否應  
是綠肥紅瘦兩押瘦字亦起妙亦清新南宋才  
女當以易安為巨擘焉

張少保

卷三

三

掃葉亭

崖山血戰奉儲君可惜忠軀碧海沉趙宋葫蘆依樣  
畫九泉差慰世宗心

列傳張世傑范陽歸正人也幼時無所知名阮  
思聰見而奇之言於呂文德召為小校攻安東  
州力戰與高達援鄂州有功轉十官尋從似道  
入黃州戰類草坪奪還所俘遷環衛官呂文煥  
以襄陽降命世傑以五千人守鄂州世傑用鐵  
鉅鎖兩城夾以砲弩其要津皆施杙設攻具德  
祐元年吐軍破新城拜世傑沿江招討使元軍  
至獨松關進保康軍節度使復召入衛加檢校  
少保降詔獎諭元軍至皋亭山世傑提師奉二  
王入定海拜樞密副使封越國公元軍張宏範

攻崖山颶風壞舟溺死先是杜太后謂藝祖云  
汝知所以得天下乎正由周世宗使幼兒主天  
下耳周恭帝即位僅七歲宋恭帝亦七歲降元  
帝昺亦七歲投海死楊太妃曰我忍死以至於  
此者正為趙氏一塊肉祭祀尚有可望爾

### 謝君直

盡節何分早與遲九齡老母鬢如絲吐行不食元家

### 祿慘淡忠魂故國思

列傳謝枋得字君直弋陽人也性好直言以忠  
義自任每與人論古今治亂國家事必掀髯抵

### 卷三

### 三

### 掃葉亭

几跳躍自奮徐霖稱其如驚鶴摩霄不可籠繫  
寶祐中對策以攻丞相董槐宦官董宋臣列置  
乙科明年復試中經義科除建甯教授德祐元  
年起為江西招諭使兵敗安仁枋得奔建甯已  
而賣卜建陽市至元二十五年程鉅夫薦宋遺  
士三十人枋得亦在列遂致書於鉅夫曰大元  
制世民物一新宋代孤臣只欠一死所以不死  
者九十三歲老母在堂耳罪大惡極獲譴於天  
云云二十六年三月參知政事魏天祐誘枋得  
入城與之言坐而不對乃讓曰安仁之敗何不  
死節枋得曰程嬰公孫杵臼二人皆忠於趙一  
存孤一死節一死於十五年之前一死於十五  
年之後萬世之下皆不失為忠臣王莽篡漢十  
四年龔勝乃餓死亦不失為忠臣參政豈足知



此天祐怒逼之北行枋得以死自誓自離嘉興  
即不食四月朔抵京師餓死於憫忠寺年六十  
二寺中有曹娥碑枋得泣曰小女子猶爾吾豈  
不汝若哉

### 陸丞相

播越邊疆尚有人丹心贊畫舊經綸宜中遁去崖山

### 破背負君王葬海濱

列傳陸秀夫字君實鹽城人也才思清麗一時  
文人少能及之登景定進士辟李庭芝淮南幕  
屬時天下稱得士多者以淮南為第一號小朝  
廷秀夫尤最知名性沉靜每僚吏至閣賓主交

### 卷三

### 三

### 掃葉亭

歡獨斂社無一語庭芝益器之雖改官不使去  
累除至起居舍人以禮部侍郎使元軍前請和  
不就還與蘇劉義追從二王走温州進端明殿  
學士籤書樞密院事秀夫久在兵間熟知軍務  
陳宜中每事必咨訪始行秀夫亦悉心贊畫旋  
以議不合宜中使言者劾罷之張世傑讓宜中  
曰此如何時動以臺諫論人宜中惶恐亟召還  
時君臣播越政事踈畧楊太妃垂簾與羣臣語  
猶自稱奴獨秀夫儼然正笏立如治朝終日未  
嘗少倦楊太妃甚重之益王以驚疾殂羣臣欲  
散去秀夫不肯復立衛王拜左丞相與張世傑  
共秉政崖山破陳宜中遁去秀夫度不可脫仗  
劍驅妻子入海即負衛王赴海死年四十四

留夢炎

宰輔偷生竟仕元新朝鶴俸喜頻沾從容信國臨刑

日羞死荆湘留夢炎

列傳二臣不載其命意精嚴而元史趙孟頫又  
記載甚詳殊不可解趙孟頫太祖十一世孫較  
之留夢炎則有軒輊分矣按通鑑留夢炎湖南  
人也宋狀元好謀能斷諂事賈似道所以厯膺  
顯職德祐元年拜右丞相二年元丞相伯顏兵  
至阜亭山陳宜中宵遁夢炎等十人降元世祖  
禮貌甚優拜翰林院承旨學士土星犯座文相  
盡節衣帶中之贊夢炎曾經目覩且有文天祥

卷三

三

塌葉亭

出復號名江南置吾十人於何地之語是宋丞  
相文天祥之死節實由於留夢炎也成宗元年  
二月留夢炎乞骸骨上以其在先朝言無所隱  
厚賜遣之大德四年六月卒年八十一惟字號  
鄉里科名家世均未考核明晰姑缺之以俟博  
雅君子

日羞死荆湘留夢炎

宰輔偷生竟仕元新朝鶴俸喜頻沾從容信國臨刑

留夢炎

